

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2377 del 02/08/2022

Traduzione in ladino

Nef ospedèl de Fiem, Fascia e Cembra, se à beleche serà su la istrutoria tecnica

La istrutoria del Navip (Grop de valutazion e verifica di investimenc publics de la Provinzia) su la proponeta de partenariat publich privat per l Nef Ospedèl de Fiem, Fascia e Cembra la é beleche fenida. Te la setemènes che vegn se speta che rue la responetes de la firma pponenta su la domanes de mudazion portèdes dant dal organism technich, mudazions per cheles che se se à confrontà per n muie de setemènes. Se chesta mudazions les vegnarà toutes su, sarà possibil serèr su con ejit positif la istrutoria en relazion ai perfii del equilibrie economiche finanzièl che serf. Col parer a favor del Navip, l dossier l ruarà sun desch de la Jonta provinzièla che la podarà declarèr l enteres publich de l'opera. Se trata de n passaje che darà l met de envièr via l iter urbanistich, ambientèl e technich sul nef ospedèl che se perveit de fèr su a Masi de Ciavaleis e – element dassen emportant per l'Aministrasion provinzièla – l percors de partezipazion e de scout di teritories, che podarà aer n ejit positif o negativ. Chest l é chel che à deschiarì l President de la Provinzia autonoma de Trent endèna la scontrèda stata te auditorium de la Cassa Rurèla de Fiem a Tieser coi amministradores de Fiem, de Fascia e de Cembra, te chela che l é stat fat na valutazion generèla sui aggiornamenc do da l'ultima scontrèda stata de jené.

Coi ombolc de la trei valèdes, coi raprejentanc de la Comunitàdes de val de Fiem e Cembra e del Comun General de Fascia, estra che coi parlamentères e conseieres provinzièi, l President de la Provinzia l à recordà l empegn che se à tout su l'Aministrasion provinzièla te la scontrèda stata de jené de envièr via n percors che l sie partezipà più che l é meso e che respeta i raporc coi teritories.

À cognù passèr dut chest trat de temp, à dit amò l president con apede l diretor generèl de la Provinzia Paolo Nicoletti, i sorastanc Luciano Martorano, Roberto Andreatta, Antonio Tita, per poder fèr fora i problemes entravegnui ti desvalives ambic de la istrutoria per poder conscidrèr en dut e per dut la proponeta de partenariat portèda dant.

L president à recordà ence che l finanziament che enlouta l era stat stanzià per l ospedèl de Ciavaleis l é amò e l restarà a la leta scin canche no vegnarà tout la dezijion finèla. I investimenc su la struttura sanitèra de ades i vegnarà amò fac, descheche à arsegarà tant l President che Antonio Ferro, diretor generèl de la Azienda sanitèra.

Traduzion di Servijes Linguistics e Culturèi del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)